

Quem mirè edocuit multa experientia rerum :  
Cui datur ingenio liquidi transcendere caeli  
Culmina, & astrorum varios aperire meatus:  
Dilectus multum Musis, cultaque Mineruae,  
Et carus Phœbo; suavis cui gratia in ore est.  
Diues auis, atavisque potens, & sanguine clarus,  
GVICCIARDINORVM clara de stirpe creatus.  
Cui mirè ingenio præstans FRANCISCVS acuto  
Est patruus; qui res Italas, & facta virorum  
Fortia, virtutes populi, Regumque, Ducumque  
Reddidit illustreis scriptis, & diuite vena.  
Cui felix patria est florens FLORENTIA, Tusca  
In ditioe, potens rerum, virtutibus olim,  
Et clara ingenis, Sullano milite quondam  
Conditâ, quâ cursu rapidus ruit ARNVS in equor.

Hunc ego miratus, multis ex milibus unum  
Delegi. hic placuit, mirandas ordine longo  
Qui rerum series narret, tractusque iacentum  
Terrarum radio describat sedulus, omneis  
Explicet & populi moresque situsque locorum,  
Et quæ terra parens oculis miranda ministrat.

Non patiar posthac celebres sine nomine terræ  
Vt iaceant victæque situ turpique veterno;  
At caput attollant caelo, condantque sub astris,  
Et totum latè volitet mihi fama per orbem.

Quare age gnate mihi care, ô Cyllenia proles,  
Ad tua vallata hæc propero descende volatu  
Mœnia, felici populo felicia, ibique  
Vestigato virum, celeresque hæc nostra per auras  
Fer mandata, illi nostramque ediffere mentem,  
Pareat: hæc animo perstat sententia nostro.

Dixerat: haud cunctans pedibus talaria nebit,  
Et properè exequitur supremi iussa Tonantis.

Iussus at ille audit dictis, parensque perenne  
Condit opus; condit mansura volumina chartis  
Perpetuis conscripta notis; quas vincere nunquam  
Secula durando poterunt; semperque manebunt;  
Donec terra loco stabit, dum sidera purum  
Aurea præcipiti voluet vertigine calum,  
Et Sol subiectas lustrabit lampade terras.